

ILLUSTRISSIMO

COLENDISSIMOQUE MAGISTRO

ANTONIO PETIT



*Saluberrimæ Facultatis Parisiensis DOCTORI REGENTI, in
horto Regio Anatomes & Chirurgiæ Professori, Regiæ
Scientiarum Academiæ Parisiensis socio, &c., &c., &c.*

Dum gens Aureliana bono te cive superbit,

Dum Ligeris resonant nomine læta pio

Littora, regalique tuo dum munere gaudens,

Usque ferenda suis mente revolvit Inops

Auxilia; ANTONI, pretioso fœdere, in ævum,

Hâc in Apollineâ sede salubre tuum

Firmas ingenium : hinc meritò civemque patremque

Orbis ut & patriæ te genus omne vocet.

In perpetuum pietatis summæque reverentiæ monumentum.

H A N C

DICAT, VOVET, ET CONSECRAT.

Joannes - Baptista CALMÉ,

Baccalaureus Parisiensis

Medicus.

ILLUSTRATION
COLLENDISSIMOQUE MAGISTRO
ANTONIO PETIT.

Salutem Facultatis Parisiensis Doctori Regenti, in
hono Regio Anatomiae & Chirurgiae Professori, Regis
Scientiarum Academiae Parisiensis Johes, etc., etc.

Quamquam Ameliorum bono te esse sapienter
Dum Ligata recondam nomine ista pio

Inter, regis quo dum inerte gaudens
Ipsa ferenda sua mente revolvit Inops

in ANTONI, Petros, sedere, in sum,
Iste in Angelinae sedis latus in

Inter, petros, hunc merito et curae perpendit
Oste in & parit totumque omne vocat

Quamquam, hunc merito et curae perpendit
Oste in & parit totumque omne vocat

Inter, petros, hunc merito et curae perpendit
Oste in & parit totumque omne vocat

Inter, petros, hunc merito et curae perpendit
Oste in & parit totumque omne vocat

Inter, petros, hunc merito et curae perpendit
Oste in & parit totumque omne vocat

Inter, petros, hunc merito et curae perpendit
Oste in & parit totumque omne vocat

Inter, petros, hunc merito et curae perpendit
Oste in & parit totumque omne vocat

DEO OPTIMO MAX.
UNI ET TRINO,

VIRGINI DEIPARÆ ET S. LUCE,

Orthodoxorum Medicorum Patrono.

BIU Santé
Médecine
Paris

QUÆSTIO CHIRURGICA,
QUOD LIBETARIIS DISPUTATIONIBUS

manè discutienda in Scholis Medicorum, die Jovis septimâ
Februarii, anno Domini M. DCC. LXXXVIII.

M. ANTONIO PETIT, in Horto Regio Anatomes &
Chirurgiæ Professore, Regiæ Scientiarum Academiæ Parisiensis
focio, &c., &c. Doctore Medico, Præside.

An in operatione τῆς Βεζωνοκλῆς annulus rarò secandus?

I.

HORRIBILIMUM gesta debellatorum cruenta prædicare, decantare; posteris ad imitationem inculcare; monumentis ex ære, marmore, omnia insuperandæ ferocitatis hominum conscia facere secula; cantharo pleno, vindictæ venenum suis præsentare liberis; stygio titulis atramento scriptis, in perennem familiarum tumidæ nobilitatis honorem, furta, cædes, incendia belli coronare; en eminentes humani ingenii partus; en quomodo stupendum totius sit naturæ monstrum, qui ad veram illius gloriam & ornamentum fuisset comparatus homo. Quemadmodum inconsultissimus olim luciferorum ab amantiore patre quadrijugum accipiens habenas, omnia sub cælo vigentia, quæ suorum adhuc moderamine radiorum illuminaverat, foverat Apollo, obcæcavit, combussit infelicior ipse Phaëton; sic sæpè sæpius calamitosâ sibi libertate fruens, divini luminis, in suum, videtur accepisse gens humana radium, ut altius miranda naturæ opera prosequendo investigandoque, hanc ubique manibus parricidis, ferro & flammâ pensitè ex-cruciare immo consumere tentet. Crudelium est Parcarum, humanis de cladibus vera persentire gaudia, festivisque cantibus, heroûm mortiferas extollere virtutes: illarum est, dignos in tartaro decerpere, colligere lauros, fraternoque conspersas sanguine cingere frontes. Nos autem religiosi naturæ spectatores & ministri, æquiore animo, placidâque mente, ut & suaviores, laudabiliores habemus Camœnas. Artis Machaonicæ cultores aciem qui lethalem saluiferum in ferrum, flammamque devorantem in Prometheus ignem permutare valent, illos nempè quibus humanam quam primis plasnavit altissimus machinam manibus, secundâ datum est reparare dextrâ, quique ob sui muneris excellentiam, meritò Chirurgorum nomen sibi vindicant, sinceris excolere laudibus, nos huc & usque juvabit.

Morbos inter Chirurgorum scientiæ & arti in curando commissos, nullus est sanè in quo, manuum industria operantisque judicium eluceant magis quàm in vario ex abdominali capacitate intestinoium prolapsu, in eo potissimum qui versus inguina conspicuus, sub nomine bubonocèle excipitur,

Ab imperitiis sæpissimè, à peritissimis quandoquè, externo pro tumore sim-
piici sumitur; alienàque, in illo debellando, topicorum applicatione, tempus
ludit & operam Chirurgus, ingravescit malum, & in summo discrimine versatur
æger. Hujus igitur morbi dubiorum è medio, signa eruenda, sunt pathogno-
mica; causæ apprimè sunt requirendæ, & quoniam æquè frequens ac exitialis
bubonocèle, instituenda nobis venit curandi ratio quæ, si fieri potest, in
exequendo facilius erumpat.

I I.

QUONIAM ad summum ægrotantis discrimen, haud infrequenter pro
bubone sumitur bubonocèle, nobis in procindû exponenda sunt signa
quibus ab invicem, uterque discrepat præter naturam affectus. Bubo est
tumor qui gradatim crescit; Bubonocèle verò suam derepentè acquirit
molem. Bubo à principio, tumor in genere inflammatorius est, cujus dolor
adaugètur sensim; Bubonocèle autem suam etsi jam adepius molem, nullius
primò, vel minimi ferax est doloris. Bubo durus renitensque tumor adest
in omni inflammationis tempore; Bubonocèle verò plus minusve flaccescit
& nonnunquam digitorum impressioni indulgere deprehenditur. Bubo
plerumque rutilo ardet colore; minimè autem Bubonocèle. Bubo sæpissime
criticus vel symptomaticus est tumor; Bubonocèle verò sanos aggreditur,
nulloque in suspicionem adducto præexistente morbo, invadit. In Bubone
inflammatorio, nisi febris adsit, non fistitur alvus; in Bubonocèle autem,
alvinæ dejectiones plerumque reprimuntur. Ab alienâ nisi causâ secundâ
morbi, nausea, morsus stomachi, vomitus, &c. Bubonis invasionem non se-
quuntur; nausea verò, vomitus stercoreariaque per os dejectio strictè incar-
cerati Bubonocèle præsentiam arguunt. Egregii quamvis hæc optimè callent
Chirurgi, quandoquè tamen, in veram tumoris assignandam indolem, illo-
rum anceps errat iudicium. Semiherniarii enim cernuntur tumores in quibus
nempe quædam intestini per annulum erumpit portio semicylindræa, altera
dum pars semicylindræa in abdominali cavitate remanet. Tunc, etiam si
vera constet hernia, materiæ nihilominus fœcales in abdomine residuam
intestini cavitatem permeare valent, hujusque speciei Bubonocèle, in func-
tionum naturalium læsione percipienda, nullâ suæ præsentis signa prodit.
Per plures annos, omnino sui similis, externus insilire potest tumor, &
etiam à solertioribus peritissimisque in arte viris, pro glandularum inguina-
lium strumoso infarctû, salutari potest. Ob summam autem nervosæ membranæ
intestinorum ad irritamentum dispositionem, certis temporibus, inflammatur
mendax ille tumor, signaque non dubia portiois incarceratæ cuiusdam
intestini, in lucem edere valet. Ad ægrum revocatus, antea jam abundè
deceptus, vera tunc Bubonocèle signa in alienam impingit causam Chi-
rurgus, in curatione insiluit symptomatum, semel bisque sedatur malum;
ternâ autem vice, toties repetitis certaminibus impar, omni excruciatu
dolore, ardentiora ejus cumulanda vota, impensioribus ulnis, mortem
amplectitur æger (*).

(*) In Theoriâ eruditissimus, in praxi peritissimus, insignis Caritatis Nosocomii Chirurgus
Primarius D. Deschamps, subsequenter, ex suâ depromptam experientiâ, nobis suppeditavit
observationem. Nempe, paucis abhinc annis, apud quamdam mulierem tumore inguinali
laborantem vocatus, omnia primò cognoverat Bubonocèle præsentis signa; sed quoniam summâ
insuper donatus est prudentiâ D. Deschamps, in consilium vocavit medicum ægrotanti fami-
liarem. Re in deliberationem missâ, cum symptomata morbi ingravescere minimè videbantur;
cum ægrotans ipsa paucis abhinc diebus, herpete laborasset supra pede conspicuo, remedia
adhibenda esse interna existimaverunt. Omnia subitò avolarunt symptomata quæ in perturba-
tione functionum naturalium consistere videbantur, dum versus inguina tumor sui semper similis,
stabat. Per anni spatium integri, adstante semper tumore, naturales mulieris functiones minimè

VERUMTAMEN, si ad evolvendam bubonocèle præsentiam, omnia quæ in precedenti eruiamus paragrapho, in se invicem collata, varioque pro suscipiendo negotio, modò sigillatim, modò *collectivè* maturo perpensa animo, inferioris sint emolumenti signa, ultimum sanè exquisita morbi causarum consideratio anxietatis & dubii tollet punctum. Enim verò quoniam in omni præter naturam corporis affectu, tres assignandæ possunt causæ; prædisponentes scilicet, remotæ & proximæ, nil impedit quominus ad Bubonocèle præsentiam certò detegendam, triplex illa cohors adducatur in medium. Choreas autem ducet causa prædisponens quæ in hunc suscipiendum morbum, habitu corporis emaciato fibræque remissâ gaudentem, hunc vel alium inducet hominem. Illa autem animi perpensatio ad rem probè disjudicandam, majoris erit auxilii. Hæc causa super alias emergere nonnunquam cernitur, solaque ad intestini & omenti per annulum musculi magni descendentis obliqui lethale prolapsus, sufficit. Causa remota assignetur illa quæ corpori antea disposito applicata, præsentem morbum excitare valebit. Hujus generis causæ in cibi & potûs pravâ deledione, in variis corporis supra modum distortionibus inquirendæ sunt. Porro alimenta poculave nimis pingua, oleosa, nimis mucida, ideòque summâ relaxante pollentia virtute, huic morbo varium possunt sternere campum. Quin etiam, nimis austera diætâ, corpus, scilicet immanè emaciens; vigilia nimis protractâ, quâ corpus in perpetuâ statione, laborat; motus violenti, imprimisque musculorum abdominalium valida compressio; repentina crurûm, stante imprimis corpore, extro-retrocesso; purgantia, præcipuè drastica; emetica; alvus sicca; clamores; tubarum assidua variarum inflatio; cantus longo peracutoque clangore aures percutiens; subita funiculi vasorum spermaticorum ingurgitatio, tumefactio, cui subita remissio succedit; saltationes; in equum ascensiones; mirandæ stupendæque, spinâ potissimum retrò inversâ, histriônûm exercitationes, sunt totidem Bubonocèle causæ remotæ. Minimè vobis. parcent intestinorum lethales prolapsus, tenellæ vos ô puellæ, intemeratæque virgines, quas fictitiæ, insanæ, monstruosæque abdominis causâ gracilitatis, in funesta loricarum vincula obcæcatus furibundusque parentûm conjicit amor: nec satis... Viscera vestra naturales quorum functiones à liberâ peritonei, musculorum tegumentorumque actione, contentione, pendent, sic mutuò compressa, contrita, in exiuialem mittentur langorem. Nil nobis est dicendum de causis Bubonocèle proximis; causa etenim proxima, in genere, illa est corporis læsio immediate symptomata excitans morbosa; hæc à binis semper præcedentibus causis originem ducit, semelque producta, suis permanere viribus cernitur: apertè tandem hæc emicans oculis, nullam animi contentionem, ut detegatur, requirit.

I V.

AMPLISSIMA nunc ut instituat, in bubonocèle, curandi methodus, tria sunt successivè requirenda quæ ex manuum industriâ pendere deprehenduntur; taxis; topicorum applicatio, contentio; cruentataque tumoris acie resolutio. Taxis verò in eâ consistit manuum industriâ quâ, solerti tumoris palpatione, in eumque digitorum activâ modulatione, in priorem intestini prolapsa portio restituitur sedem. Topicorum autem applicatio, in exquisitâ visâ fuerum læsæ. Sed derepente ingruerunt primaria symptomata quibus probè præsentiam Bubonocèle intellexerat D. Deschamps. Rursûm cum illo in consilium vocatus est medicus qui feliciter symptomata primò compescerat. Non nisi cum summâ Chirurgi anxietate, eadem ac in anno præterito, elargita fuerunt remedia, inflammatio accrevit, resolutio fit intestini gangrenosa, & in orcum quem facile tanti removerat Chirurgi manus, mulier miserrima ruit præcep.

elezione, mixtione, admotione mediorum naturalium quæ pro causæ disponentis suspectâ indole, summâ adstringente vel relaxante gaudeant virtute, omninò consistit. Eximios inter Chirurgos adhuc etiam est concertatio utrùm in bubonocèle recente, præmissâ incassum taxi, relaxantium, adstringentiumve applicatio sit anteponenda: experimenta etenim pro singulari methodo, militare videntur. Quoniam autem omninò, adstringentia relaxantibus sunt opposita, sedulò distinguendi eruendique sunt casus, in quibus alia aliæ sit anteponenda methodus. Nostrâ verò ex sententiâ, cum in habitu corporis remisso, æqualem, etiam ad basim, occupare videbitur circumferentiam tumor, animo fidente, adstringentium usurpationi indulgendum erit. Largâ etenim & subitâ aquæ conspersione frigidæ, subitò tegumenta in se constringuntur, ex apice ex utroque latere propulsus tumor, abdomen ingreditur, & experientiâ constat, quòd incarcerata hernia quæ taxi diù resisterat, sic fuerit repulsa. Verùm autem si, in habitu corporis rigido, oculis subjiciatur bubonocèle cujus validè constringatur basis; adstringentia nedùm sint proficua, equidem noxiora devenient: intestinum etenim ab annulo jam immanè constrictum, magnam ex parte cutis adstringentium vi retroactæ, compressionem experietur. Majoris sanè esset momenti cuiusnam intestini excidat portio dignoscere. An, verbi gratiâ, sit portio Ilei, portiove coli. Portio etenim si procidat Ilei, nullum certè superest dubium quin ob innumerabiles ejus incurvationes & orbes, in totâ apprehensa sit circumferentiâ; nulla tunc adstringentium applicationi adhibenda fides. Contrâ verò si portionem coli excedere intelligatur, quoniam in arcu solo in alterâque suam versùs extremitatem incurvaturâ constat; quoniam in omni ejus decursu, minori flexibilitate donatur; quoniam tribus ligamentis validioribus membranæ ejus confortantur, duplicantur, vis ejus retroactiva major erit & in totâ ejus circumferentiâ, difficilè constringetur; hinc ampliore cum fiduciâ, per taxim, in die, bis, ter, quater celebratam, per adstringentia, tentanda veniet reductio. Per sectionem cadaverùm pari morbo fundorum, per signorum sedulam præmissorum collationem, instituere possent Chirurgi pathognomonica signa quibus probè intelligatur quodnam sit intestinum ex annulo prolapsum, in quânam majore aut minore portione, excedat; ut vel expeditior fiat operatio cruenta, vel per taxim, per adstringentia, per lapsum temporis ipsum, expectata, instituat curatio (2). Quemcumque autem casum mala dederit fortuna, præmissis taxi, astringentium relaxantium applicatione, malum si vigeat inconcussum; si magis ac magis excrucietur æger, intensiora si symptomata vigeant; nec mora; nec requies; ad cruentatam deveniendum est operationem. Scalpello incisório recto longè latèque incidenda sunt tegumenta; textus cellularis à peritoneo, digitis vel unco, separandus; peritoneum denique ipsum quo semper involvitur intestinum, summâ cum cautelâ, ab infimâ tumoris extremitate, ad annulum, secandum est. Quicquid cum intestino excederit omenti, si sædatur, incidendum; si sanum, cum intestino vel potius, seorsum, extremo propellente digito, reponendum. Intestino autem jam in omni tumore denudato, hoc opus, hic labor, absque annuli incisione, ad reductionem procedere. Intestini quandoquè portio prolapsi flatulento vapore turgescit, adeò ut nullum intelligatur medium quo absque annuli sectione, reductio fiat: tunicæ plerumque intestini fugacis, ab impedito sanguinis reditu, admodum inspissantur, materiæque sætales tanquam in fundulâ coæcervatæ, indurescunt, & renixui voluminique multum addunt tumoris. Verùm hæc considerationes, primo aspectu, annuli sectionem imperare videntur:

(2) Herniarii etenim alii tumores post triduum, insanabiles occurrunt; alii verò post quindecim dies & ultra, operatione cruentatâ reprimuntur, vel sponte suâ, evanescent.

atamen nil desperandum. Quamvis etenim aponevroticis instructus fibris, non omninò dilatationis expers est annulus. Sunt equidem Chirurghi qui modum dilatationis suam in praxim feliciter adducunt (1). Præterea, nova si ex abdominis cavitate contrahatur intestini portio, flatus extraneæque tumore inclusa corpora, explicari nec non ex ipso tumore in abdominis cavitatem, prementibus ascendendo digitis, deduci possunt. Denudati, me hercle, & vacui quænam sit intestini membranarum explicatio, bubonocèle reduci potest, si verus annulum, minutissimas per partes, indice & pollice simul agentibus, constringantur membranæ, sensimque sub annulum reducantur, dum ex alterâ manu, residua paulatim comprimitur, continebitur prolapsa portio, & superioribus digitis, pro portionis ratione intestini jam reducæ, sedulo subministrabitur. Verum autem ut loquar, moras ista reductio trahet: sed hinc certitudo salutis in morâ. Chirurgus etenim, nec peritoneum sub annulo, neque partes ab oculis remotas, sanguineis quæ vasis extra modum naturæ solitum repentibus luxuriari possunt, incidet; quin-etiam, in cavitate nulla instituetur suppuratio quæ, cum nullum inveniret exitus locum, in exitialem certè putredinem partes in abdomine contentas inducere valeret.

V.

QUÆCUNQUE sint illustrissimorum in arte virorum adversus nostræ Theſeos argumentum, in dictis, in scriptis, appellationes; inconcussa tamen propositio nostra remanebit, si ratio & experientia huic annuere videantur. Ast rationi minimè alienum est instituere methodum quâ per eandem portam sui semper similem, in pristinam redeat locum intestini prolapsa quævis portio. Insurgent fortasse, nonnulli, dicentes: *hoc est mus in fabulâ qui gracilis cum egressus fuerit, turgidus regredi nequit*. Fateor equidem quod si simul suscipiatur, & in uno tempore, intestini prolapsi jam sæcibus & aere ultramodum explicati, dissentique reductio, sanè incassum sudare poterit Chirurgus. Ast cum ut supra instituimus, flatus materiæque fœcales ipsæ in tubo intestinali dispersitæ immò reducæ fuerunt, herniæ jam ipsiusmet reductioni nec flatus nec excrementa obstare videbuntur. Cum igitur membranæ intestinorum in summam expansionem fuerunt actæ, in eâ ratione, tenuiores consistent, tractabiliore, & ad libitum, per minutissimas partes, extremis digitis apprehensæ, repulſionis actioni facilius indulgebunt. Nullus est in arte peritus vir, qui cum nudum detexerit intestinum, cum illud à peritoneo, ab omento, ab omni adhæſionis puncto liberum instituerit, minimâ tunc taxis industriâ, quandoque reductionem absolverit. Sed quoniam primo aspectu, intestini tumefactio de longè exsuperare annuli aperturam cernitur; taxim inutilem, immò nocivam judicat Chirurgus, & ad immanem annuli sectionem refugit. *Exceptio* tamen, ut aiunt, *confirmat regulam*: occurrunt equidem casus, in quibus absque annuli sectione, reductio impossibilis ac periculosa judicatur. 1.º Quando corpus extraneum durum rotundum intestini membranæ prolapsi stricte adhæret internæ. 2.º Quando ab impedito sanguinis, ob annuli strictionem, reditu, atram in phlogosim herniaria portio inducta, supra modum turget. 3.º Quando ita attenuantur & ad gangrænosam dispositionem adducuntur membranæ, ut pro minimâ contractione, dilacerari posse videantur. Infrequentes autem admodum sunt hujusce generis observationes, & quando patent, reductio herniario tumore, sæpiſſimè moritur æger. Nonnullos autem allatantes audimus. « Quid mali

(1) Quidam Aurelianensis Chirurgus D. Leblanc, excogitavit disposuitque instrumenta quædam ad dilatationem annuli. Suæque mediæ dilatationis methodo, absque annuli sectione, in bubonocèle, felicissimo cum eventu, semper operatus est.

Vide auctoris Opusculæ & Mémoires de l'Académie Royale de Chirurgie.

» conferre potest annuli sectio ? Num quotidie videmus quod hæc in cica-
 » tricem facile deducatur incisio : nonne majus ex hac sectione surgit commo-
 » dum, siquidem dolores abbreviantur, siquidem peritoneum fibræque annuli
 » aponevroticæ post operationem ita coalescunt ut in secundam descensionem
 » minimè cedens peritoneum, per punctum adhæSIONIS novum, intestina in
 » suâ sede valentius contineat ». Ad hæc respondere primò nos juvat per hoc
 axioma meritò in Chirurgiâ celebratum. *Sat citò, si tutò*. Secundò affirmare
 possumus quod ex annuli sectione, majora percipiuntur incommoda : apertura
 scilicet vasorum sanguineorum aliquandò contra solitum naturæ modum, in
 peritonei substantiâ repentium; ipsa peritonei & fibrarum aponevroticarum
 annuli, absque textu cellulari, coalitio, quo fit ut alterno tantum respirationis
 inspirationisque motu, diù irritatur peritoneum : tandemque in abdominis
 cavitate suppuratio (3). Vulnere etenim lata difficillimè sanantur, ea potissi-
 mum quibus ad libitum, admoveere manum non potest Chirurgus. Illa nempe
 fistulosa sunt. Exitialis ichor assiduò in cavitatem depluit abdominis, ineluda-
 bilisque mors ociùs intenditur.

Ergo in operatione τῆς Βελωνικῆς, rarò annulus est secundus.

(3) Majoris sanè in æconomiâ animali peritoneum est momenti. Nullus est etenim quàm-
 parum anatomes gnarus quem illius structura, functio, fugiat. Non ignoramus quòd immuna-
 bilibus glandulis, nervis, vasis sanguineis, etiam majoribus, hoc esse reſertum : quòd istius
 involucri inflammatio, ut in pleuritide, peripneumoniâ (pleura etenim & peritoneum sunt quid
 unum & idem) constat, mortem infligere possit. Ast multi post cruentatam bubonocèle reductio-
 nem, vitam mutant ægrotantes, reipsa peritonei inflammationis victimæ, dum ab operantibus ipsis,
 mors gangranosam in intestinorum dissolutionem falsò impingitur. Enim verò quoniam omnibus
 in abdomine contentis visceribus primum suppeditat involucrium, peritoneum; ab ipsius mem-
 brarum spasmodicâ irritatione, adstrictione, omnes perturbari, immò subverti poterunt
 functiones corporis naturales: hinc imprimis à compresso duodeno quod peritonei duplica-
 turâ strictè involvitur, nausea, morsus stomachi, vomitus oriuntur. Quammaximè igitur in ope-
 ratione bubonocèle, peritoneo parcendum, ne, per sectionem illius ultra anulum, causa morbi
 longius procedat. Ne quidem fucum faciant lata hæc quotidiana abdominis vulnera quorum
 insuper irritante gastraphiâ, sanatio. Ea etenim hic adesse videtur discrepantiâ quòd in
 abdominis vulneribus extrinsecus inflis, nulla præceſſerit peritonei inflammatio, dum in
 bubonocèle à triduo jam & ultra, inflammatio immanè excrucians, in lethalem peritoneum
 injicit præter naturam affectum, dummodò mali paululum supra malum addatur.

*M. Bernardus-Nicolaus PLY-
 VINET.*

*M. Franciscus-Henricus-Theo-
 dorus LOZETTE.*

M. Petrus-Augustus ADET.

*M. Claudius-Bartolomæus -
 Joannes LE CLERC, in Senatu
 Patronus Consiliarius Medi-
 cus Regis ordinarius in ejus
 Castello.*

M. Matthæus GÉRAUD.

M. Joannes-Josephus GILLE.

*M. Joannes-Carolus DESES-
 SARTZ, Antiquus Fas. De-
 canus, Regii Medicorum Col-
 legii Lugdunensis Socius.*

*M. Ludovicus-Alexander DE
 CÉZAN.*

*M. Henricus RAYMOND, Regis
 exercituum in Insulâ Corsicâ
 Medicus.*

Proponebat Parisiis, JOANNES-BAPTISTA CALMÉ, Rhemus, Medicus
 Doctor Rhemensis nec-non Saluberrimæ Facultatis Parisiensis
 Baccalaureus. Theſeos Auctor A. R. S. H. 1788.

AB OCTAVA AD MERIDIEM.

Typis QUILLAN, Universitatis & Facultatis Medicinæ Typographi. 1788.